



# Das Sechste Buch

Ioannis Baptistæ Birelli, desz Fürtreff-  
lichen / vnd Hochberühmten  
Alchimisten.

In welchem gelehret vndd gehandelt  
wirdt / wie man auff viel vnd mancherley Weise  
könne Silber / vnd andere falsche Weise  
Metall zu machen.

Ein Beschreibung desz soluiet Ofens / beneben dem  
Lob vnd Fürtrefflichkeit desz Silbers / vnd wie man  
dasselbige auff viel vnd mancherley Weise  
könne machen.

## Das Erste Capitel.

**A**ls Silber ist ein rein vnd sauber Corpus,  
oder Metall / jedoch am Gewicht vnd Werth etz  
was geringer als das Goldt / wil geschweigen / daß  
sein auch bey / oder in dem Feuer weniger wirdt /  
läst sich vnter dem Mist / vnd an andern feuchten Orten cor-  
rumpieren / vnd ist vielen Zufällen vnterworffen. Nach dem  
Goldt ist kein edler Corpus als eben es / das Silber / derowegen  
dem Goldt an Fürtrefflichkeit am allernächsten / einer kalten  
vnd feuchten Natur / vnd hat den Schwefel / Zynn / vnd Eysen  
zu